


# California Lub Txheej Xwm Pab Menyuum: Ib Txoj Kev Pab Rau Niam Txiv...



## Kev Yuv Npav Lais-xees thiab Txheej Txheem Tso Kev



Kev them nyiaj pab menyuum raws sijhawm tsis yog yuav pab koj cov menyuum xwb, tiam sis nws pab kom koj cov npav tsav tsheb, npav ua haujlwm tseem ceeb, thiab lwm yam npav ua ub no tsis txhob raug yuv tseg. Lub Xeev lub Hauv Paus Kuaj Xyuas Npav Lais-xees yuav txwv lossis yuv tseg cov lais-xees uas lub xeev muab tuaj rau cov niam txiv tsis tau menyuum, uas tiv nuj nqi uas xam xaj kom pab rau menyuum.

### ■ Kuv yuav ua licas paub tias tej zaum kuv daim npav lais-xees yuav raug yuv tseg?

Lub xeev lub oos-kas uas muab npav lais-xees yuav xa ib *Daim Ntawv Qhia Txog Tias Npaj Yuav Yuv Tseg* 150-hnub tom ntej thiab hnub twg kiag yuav yuv daim npav. Yog tias koj daim npav lais-xees raug yuv tseg yav tag dhau los, thiab koj cov nyiaj them pab menyuum them tau lig los yog tsis them tag nrho tus nqi, ces yuav tsis xa daim ntawv qhia 150-hnub ua ntej tuaj rau koj thiab koj daim npav lais-xees yuav cia li raug yuv tseg xwb. Koj yuav tsum saib kom peb tau koj qhov chaw nyob xa ntawv uas koj niaj hnub siv koj thiaj li yuav txais tau daim ntawv sau tuaj qhia.

### ■ Cov npav lais-xees twg yog cov muaj kam raug yuv tseg?

- Npav Tsav Tsheb
- Npav Ua Lag Luam
- Cov npav lais-xees uas lub xeev ua tus muab tuaj xws li:
  - Kws kho tsev
  - Kws kho mob
  - Kws qhia ntawv
  - Kws lij choj
  - Kws thas plhu
  - Kws Muag Vaj Tsev lossis Broker

### ■ Kuv yuav ua licas thiaj li tso tau kuv cov npav lais-xees uas raug yuv tseg lawm?

Tiv tauj ib lub oos-kas pab menyuum hauv zos kom tso daim npav lais-xees. Hu rau: **1-866-901-3212**, ces lub oos-kas pab menyuum yuav nrog koj tham txog tej hau kev uas muaj rau koj xaiv.

### Tej Yam Yuav Tau Nco Ntsoov...

- Yog xav hais kom muaj kev sib haum xeeb, ces hu rau ib lub oos-kas pab menyuum hauv zos thaum lub caij tsis dhau 150-hnub tom qab uas tau txais *Daim Ntawv Qhia Txog Tias Npaj Yuav Yuv Tseg*.
- Yog tias koj daim npav lais-xees raug yuv tseg yav tag dhau los, thiab koj cov nyiaj them pab menyuum them tau lig los yog tsis them tag nrho tus nqi, ces yuav tsis xa daim ntawv qhia 150-hnub ua ntej tuaj rau koj ntxiv thiab koj daim npav lais-xees yuav cia li raug yuv tseg xwb.